



Na osnovu Dopune Programa utroška sredstava sa kriterijima raspodjele sredstava „Podsticaj poljoprivrednoj proizvodnji“ utvrđenih budžetom Općine Breza za 2018. godinu, člana 37. stav 1. tačka 6. Statuta Općine Breza („Službeni glasnik Općine Breza“, broj 8/09-Prečišćeni tekst) i Zaključka Općinskog vijeća broj 01/1-02-3178/18 od 28.11.2018. godine, Općinski načelnik dana 30.11.2018. godine, d o n o s i

## **D O P U N U U P U T S T V A**

### **ZA OSTVARIVANJE NOVČANIH PODRŠKI SA POTREBNIM OBRASCIMA**

Opšte odredbe kao i način ostvarivanja novčanih podrški ostaju iste, s tim da se Uputstvo dopunjava sa poticajnim mjerama koje će se realizovati po sljedećim kriterijima:

#### **B) ANIMALNA PROIZVODNJA**

- 1. Proizvodnja mlijeka odnosno držanje muznih krava** – ovaj vid novčane podrške mogu ostvariti klijenti koji imaju tradiciju u proizvodnji mlijeka i na svom imanju drže najmanje 3 (tri) muzne krave. Iznos novčane podrške je 200,00 KM za 3 (tri) muzne krave, a za svaku muznu kravu preko 3 (tri), računajući i steone junice, ostvaruje dodatnih 50,00 KM po grlu.

Potrebna dokumentacija:

- Potvrda o provedenim obaveznim mjerama (zdravstvenom stanju)

Krajnji rok za podnošenje zahtjeva je 31.12.2018. godine.

#### **II POSEBNA ULAGANJA**

- 1. Regresiranje uplaćenih doprinosa za osiguranike registrovane kao samostalne poljoprivredne proizvođače u skladu sa Zakonom o obrtu i srodnim djelatnostima za period 01.10.2018. do 30.11.2018. godine**

Ovaj vid novčane podrške mogu ostvariti obrtnici koji su registrovani kao samostalni poljoprivredni proizvođači sa sjedištem na području Općine Breza i čija je osnovna djelatnost poljoprivreda (proizvodnja i prerada poljoprivrednih proizvoda).

Novčana podrška za regresiranje uplaćenih doprinosa će se davati osiguranicima za za period od 01.10.2018. do 30.11.2018. ali koji imaju registrovanu poljoprivrednu djelatnost minimalno 3 (tri) mjeseca prije podnošenja zahtjeva.

Osnovica za obračun je zakonom propisana paušalna osnovica koja iznosi 319,00 KM. Doprinosi koji su predmet regresiranja su doprinosi za penzijsko i invalidsko osiguranje, doprinosi za zdravstveno osiguranje, doprinosi za osiguranje od nezaposlenost te doprinosi na dohodak. Podrška će se obračunavati za svakog osiguranika pojedinačno. Ukupan iznos doprinosa iznosi 202,39 KM.

Potrebna dokumentacija:

1. Rješenje o registraciji obrta,
2. Identifikacioni broj poreskog obveznika,
3. Dokaz o uplaćenim doprinosima koji su predmet regresiranja, (specifikacija uz isplatu plaća ovjerena od strane porezne uprave i izvod transakcijskog računa sa kog su uplaćeni doprinosi,

Rok za podnošenje zahtjeva je 15.12.2018. godine.

Dopuna Uputstva stupa na snagu danom donošenja.

Broj: 01/2-24-775-1/18  
Breza, 03.12.2018. godine

**OPĆINSKI NAČELNIK**

---

**Mr.sci. Munib A. Zaimović**